

Wie der aul Witte vom Weldere afkohm

Jean Frohnhoff

Wie der aul Witte vom Weldere afkohm

Vor 50 Jahren zählte der aul Witte zu den bekanntesten Persönlichkeiten unseres Walddorfes. Allerdings war sein Ruhm etwas an- und pulverrühiger Art. Daß er wilderte, erzählte jeder. Auch Witte ließ über diesen Umstand niemanden im unklaren. „Ech hann“, gestand er einmal freimütig, „mieh Rieh geschote wie der Wellem Arnolds met sinnem Dreispänner fahre kann“. Besonders am Sonntagabend bei der „Preuße Sting“ wurden die Jagdabenteuer den sachverständigen Büschern zum besten gegeben. Seine beiden aufregendsten Erlebnisse erzählt er hier selbst.

Et wor ne schöne Spätherst-Owend, dr Mond schiehn dagghell, suh reith e Wederke, öm en Hipp (Reh) te schi-ete. Ech jing von Huhs aff üwer de Krebsebeek (Hasthausbach) en minne Bande. Vom Boschrank ut konnt ech senn, watt sech dieht. De Tiet wohr do, dat de Hippe kuhme mossden, denn als aule Welddieb we-ihrt mr doch, dat die Diehre de Tiet ennhaule. E paar Dag vörher hat ech em Deppt e Rieh geschoote, on et wohr juht mügleg, dat se op mech oppassden. Met enns kohmen Rieh ahn, — fönf, säss op dr Re-ih. Et beste wuht op et Kohn jenohme — on kapartig — dat Diehr lohng do. Jetz moss et flott jonn, denn von sonnem Knall wüht alles römm on tömm rebellig. Stark jenog wor ech, nohm dat Diehr met nem Schwong op dr Nacke, on liep domet op Huhs ahn. Ongefiehr wor ech an dr Bröck, do huhden ech jätt em Bosch lo-epe. Ech ahnden, dat se henger mech her woren, üwerleiden nit lang, nohm dr Jewehrlauf huch, on sprong met dämm Rieh om Nacke en de Beek on stelden mech onger de Bröck. Et durden nit lang, do kohmen nohe Schrett on twei Keels blieven op dr Bröck stonn. Ech konnt hühere, wie se seihden: „Wir haben den Kerl doch laufen sehen. Wo ist er denn hin? Er kann doch nicht einfach vom Erdboden verschwinden!“ Mech wor et arg mul-meg onger där Bröck, böss am Bukk stong ech em Water on dat Diehr dröck-den verdahl op minnem Puckel. Et Schlemmste wor, dat ech mech nit jrad stelle konnt. Et haht enn Tiet jeduhrt, do huht ech die Keels widder afftrecke. Ech kohm onger dr Bröck erut, kiek, of de Loft re-in wor, liep dann flöck op Huhs ahn. Et haht jo noch enns

juht jegange, äwwer Angst hann ech jenog utgestange. Vör minn Frau, et Drüttche, hann ech jeseiht — suh, jetz hätt et jebatt, jetz wüht nit mieh jeschoote. Dat hätt och en ganze Tiet juht jejange. Als ech mech äwwer von däm Schrekk on von däm Schnupps erhollt haht, fing dat Le-side widder ahn, on noch manch Rieh hätt drahn jlö-eve mödde. On doch bönn ech op ne juhde Dag vom Weldere atfgekuhme, on dat kohm suh:

Ne schühne Bock, de mech alt dökker opjefalle wohr, stong em Bande. Op däm haht ech et affjesenn. Isch hann ech jätt spekeliert, wo on wann ech öm am beste te packe krech. An nem Sonn-dagmorje wohr et su wieht. Ech jing dorch min Fei-el (Feld) op dr Bande ahn. Et wohr alles müsskesstell, on dr Dau trokk am Boschrank langes. Dat hengerden mech arg am Senn (Sehen). Mett enns sohr ech och jätt vör mech stonn. Ech deihden: Sollste et reskiere, udder sollste noch jätt kötter drop ahn jonn? Lang fackele konnt ech nit, dänn söss häht dat Diehr watt jewittert — onn fott wöhr et jewässt. Ech leihden min Jewehr ahn, nohm Vollkorn — ja, watt wohr datt dann — et stelden sech opreiht (aufrecht) — dat wohr mech doch te klöchtig. Ech sadden et Jewehr aff, on kiek mech dat Spell jenauer ahn. To-u minnem Schreck moss ech feststelle, dat et et Traut (Gertrud) vom Bande wohr, dat schonn en dr Herr-jottsfrö-e am Stielmuhs träkke wor, weil se am Samstag nit dr to-u jekohme wor. Nä — dat wor mech äwwer suh en de Knöck jeschoote, dat ech van där Tiet ahn — Ihr könnt dat jlö-eve udder nit — nit mieh jeschoote hann.

Jean Frohnhoff